



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pro Calendario Gregoriano Dispvtatio Apologetica

**Busaeus, Johannes
Roest, Petrus**

Mogvntiæ, Anno 1585

Responio. Calendarij obseruationem non esse liberam.

urn:nbn:de:hbz:466:1-43749

definitione adiaphorum nixam, à qua Disputator theses suas de the. 37. 54. 55.
adiaphoris inscriptas est infeliciter auspicatus. Adiaphora, in- 56. 60. 62. 149
quit, ea dicuntur quæ neq; verbo neq; mandato Dei speciali prohibita sunt, 150.
vel mandata, ac proinde liberæ habent sine opinione, necessitatis obserua-
tionem. Cum igitur Calendarium correllum, nostra confessione inter res natu-
ra adiaphoras nullalege diuina imperatas reponatur, libera relinqui debuit,
non autem lege Pontificia mandari eius obseruatio.

LXXV. Hanc rationem levissimam, ut vendibiliorem face-
ret imperitis, conatus est homo miserijs stabilire rituū adiapho-
rum exemplis, quibus solidissime euertitur; maximè tribus.
Primum Paschatis, quia eius festi certa dies neq; a Christo, neque ab Apo-
stolis instituta fuit aut mandata. Per se enim liberum hoc est, inquit, et thes. 30. 179.
fuit, siue eadem die, qua Christus cum suis discipulis Mosaicum celebrauit
Pascha, nouumq; instituit testamentum, siue mox sequenti aliquo die, Pa- thes. 25. 26.
schatis festum celebrare. Deinde exemplo iuniorum, quorum liberam fu- thes. 36.
isse disciplinam in Ecclesia conatur probare, ex B. Augustino. Postremo ex-
emplo ritus celebrandi Cœnam dominicam in azymo pane vel fermentato,
quem ritum & fuisse & nunc esse adiaphorum atque liberum affirmat.

R E S P O N S I O.

Calendarij obseruationem non esse liberam.

LXXVI. Quam vero male materiatum sit vniuersæ huius ra-
tiocinationis ædificium, post paulo consecutara ruina ostenderet.
Definitionem illam adiaphorum mutilam esse & mancam,
perspicuum est. Multa enim sunt quæ verbo vel mandato Dei
speciali verita aut præcepta non sunt, & tamen adiaphora non
sunt, nec liberam habent obseruationem; vt sunt omnia, qui-
bus traditio apostolica, vniuersalis Ecclesiæ consuetudo, leges
politice & Ecclesiastice necessariam fecerunt obseruationem.
Quibus legibus verbo & mandato Dei generali obtemperare
tenemur. Si quis, inquit Deus in Deuteronomio, superbierit no- Deut. 17.
lens obedire sacerdotis imperio, qui eo tempore ministrat Domino Deo Rom. 13.
suo, ex decreto iudicis morietur homo ille. Et B. Paulus, Omnis ani- Heb. 13.
ma potestatis sublimioribus subditafit. Qui resistit potestati, Dei ordi-
nationi resistit. Et alibi, obedite præpositis vestris, & subiacete eis.

Adiapho-

LXXVII. Adiaphora igitur illa proprie appellanda sunt, quæ cum natura sua neque bona neque mala sint, nulla quoque lege diuina vel humana mandantur vel prohibentur, & ideo liberam retinent obseruationem. Vnde efficitur, Calendarium Gregorianum, quam primum decreto Pontificis omnibus imperatum est fidelibus, in numero rituum adiaphororum quæ liberam habent disciplinam, esse desijisse, ac proinde malam esse obseruationem veteris Calendarij fidelibus, hoc ipso, quod prohibita est.

LXXVIII. Sicut enim circumcisio ante legem veterem, & baptismus ante legem nouam, erant ex se ritus indifferentes, qui seruari vel intermitti poterant, postquam autem lege diuina indicati fuerunt, necessario obseruari debuerunt: Sic certa obseruatione festi Paschatis, Quadragesimæ, festorum omnium, quam Calendarium nouum descriptit, licet ritus sit natura sua indifferens & liber, postquam tamen, vel Apostolorum, vel Conciliorum, vel Pontificum summorum auctoritate decreta & mandata fuit, inter adiaphora & libera instituta amplius computari non potest.

LXXIX. Quod autem disputator cum suis Patribus Concordia, Chemnitio, Caluino alijsq; sectarijs contendit omnes in universum ritus Ecclesiasticos & Apostolis, Pontificibus, Concilijs profectos, utiles & salutares esse posse, lege mandari non posse, liberos esse, non necessarios, id propria ipsorum ratione, scripturarum, totiusq; antiquitatis exemplis perspicue refellitur.

LXXX. Nam vnde ille probat suas cæremonias adiaphoras in genere in scriptura haberi & mandari, Deumque earum posse dici auctorem: quoniam, videlicet, Spiritus sanctus per Apostolum præcipit, ut omnia decenter, secundum ordinem, et ad ædificationem fiant, inde nos quoq; verissime probamus quasdam cæremonias (non enim omnium cæremoniarum apud nos eadem est ratio, cum aliae sint perpetuae, aliae temporales, item aliae universales, aliae particulares, rursus aliae necessariae, aliae liberæ) ab Apostolis eorumq; successoribus Episcopis, Conciliorum constitutionibus, Ecclesiæ totius decretis cum imperio mandari potuisse; maximè eas in quibus conueniebat constantem & perpetuum esse omnium Christianorum consensionem, ut quod statu die

à laboribus quaque hebdomade feriarentur , quod quotannis eodem tempore Pascha celebrarent , & ad sacramenta Pœnitentia & Eucharistiae percipienda necessario se compararent.

LXXXI. Sienim liberæ & arbitriæ in Ecclesia huiusmodi Constitutiones permanissent ; neque consensio illa , fidei , & religionis nostræ propria , retineri potuisset , neque ordine , honeste , & ad ædificationem , quod Spiritus sanctus per Apostolum præceperat , omnia in cætu fidelium peragi potuissent .

LXXXII. Quod nunc ridentibus Catholicis , in nouis sectariorum conuenticulis , certissimus ostendit euentus . Quia enim illi obseruationes Ecclesiarum suarum liberrimas esse voluerunt , id consecuti sunt , ut perpetua inter ipsos de ritibus existant certamina , nulla vero , non in ritibus modo sacris , sed neque in doctrina Christiana concordia vel constantia . De qua confusione & perturbatione extant Præpositi Tübingensis Smidlini , Georgij Maioris , Chemnitij , graues querelæ & plus quam Hieremias lamentationes .

LXXXIII. Atq; hinc potest non obscurè Heerbrandus , si aciem ingenij sui non nihil intendat , intelligere , cur Calendarij correcti obseruationem Ecclesiæ Catholicæ monarcha , interposito mandato facere voluerit necessariam : nempe , ut dissensio num omnium materia in re grauissima uno verbo è medio tolleretur , ianuaque omnibus disputationibus Mathematicorum , nunquam , si libera cuique opinio in corrigendo relicta fuisset , terminandis , hoc edicto Pontificio quasi obiecto pessulo clauderetur , omnesque Christiani , quod factum est , vnamini consensu , eandem rationem celebrandi Paschatis , quemadmodum in synodo Nyctena decretum erat , teneremus .

LXXXIV. Neque id sanè sine veterum exemplis scripturæ quoque testimonio commendatis fecit . Nam cum in primis Christianæ Ecclesiæ incunabulis , quidam qui è secta Pharisæorum fidem Christi erant complexi , grauem controuersiam de ritibus Iudaicis non abrogandis excitaissent , quæ maximarum discordiarū futura videbatur seminarium , mox B. Petrus Christiano .
E

stianorum prīnceps cum reliquorum Apostolorum & Seniorum synodo sapientissimè decreuit, vt test in actis Apostolicis, vt qui ē gentibus credidissent, ab immolatis simulachrorum, & sanguine & suffocato (rebus alioquin adiaphoris) deinceps se abstinerēt; quod hac sanctione, non modo omnia offendicula remoueri, verum etiam firmainter Iudæos & Gentiles, qui recentes se ad Christū Ecclesiam aggregarant, moribus dissimillimos, concordia constitui & retineri posse iudicaretur.

LXXXV. Quorum rituum paucorum, licet tum temporis tam Iudæis, quam gentilibus adiaphori essent, obseruationem non liberam fuisse, sed necessariam disertis verbis in epistola ad Antiochenos, Syros & Cilices data, synodus significauit. *Vix est enim, inquit, Spiritui Sancto & nobis, nihil ultra imponere vobis oneris, quam hæc NECESSARIA.* Et B. Lucas, ad finem capitis inter præcepta Apostolorum numerauit. Quare & in canonibus Apostolorum graui pœna multantur eius legis transgressores.

11 Cor. 14.

LXXXVI. Paulus quoque Apostolus, cum in Ecclesiam Corinthiorum non contemnendus abusus, qui ad dissensionem & confusionem spectare videbatur, irrep̄sisset, ipseque ad eum euellendum ritus quosdam certos linguis loquendi, interpretandi & prophetandi, præscripsisset: mulieribus quoque omnem in Ecclesia loquendi potestatem ademisset; ne quis aut facile constitutionem hanc negligenter, vel liberam existimaret eius esse disciplinam, grauissimam hanc sententiam subiecit. *Si quis videtur propheta esse aut Spiritualis, cognoscat quæ scribo vobis, quia Domini sunt mandata: si quis autem ignorat, ignorabitur.*

LXXXVII. Domini autem mandata vocat: non quod aliqui speciale Dei mandatum de huiusmodi ritibus exstaret, sed quod mandatum Dei generale erat, ut omnia honeste & secundum ordinem fierent in Ecclesia, vnde hæc Paulina constitutio, vel conclusio ex principijs, manauerat. Quo sensu ipse Disputator ante concessit, omnia adiaphora in scriptura contineri, & à Deo profecta esse.

Vel

LXXXVIII. Vel certè quod usitata phrasí scripturarum traditiones vel mandata hominum, dici solent mandata fruiola, inania, pernitiosa, pugnantia, cum diuinis mandatis, à solo homine nata; qualia erant Pharisæorum, quæ non semel apud D. Matthæum Christus insectatur, uti exposuit B. Irenæus.

LXXI X. Domini vero mandata non modo ea dicuntur, quæ immediatè à Deo, sed etiam, quæ immediatè ab hominibus Deo inspirante profecta sunt, quale erat mandatum Apostolorum de obseruatione lagalium, de quo antè diximus. Nam *Aet. 15.* illud Spiritui Sancto & sibi ascribunt. *Visum est, inquit, Spiritui Sancto et nobis.* Atque hoc pertinet sententia illa generalis *Rom. 13.* B. Pauli in epist. ad Romanos. *Qui potestati, id est, humanæ legibusque humanis, resistit, Dei ordinationi resistit.*

X C. Cui hæc pauca exempla ex latissimo scripturarum campo delibata satis non sunt ad Ecclesiasticarum legum patrocinium, instantum oculos conuertat in Sacrorum Conciliorum celeberrimorum, veterum Pontificum Romanorum, Ecclesiarum Particularium leges quam plurimas, antiquissimas, grauissimas, & non ambiget amplius inde ab initijs Christianæ religionis multos ritus adiaphoros, & sæpe numero cum appositione maximæ pœnæ in transgressores, lege inditos & mandatos fuisse.

X C I. Nobis id tantum ex officio incumbit, ne hic totam de potestate Ecclesiastica disputationem inuehere velle videamus, ostendere accuratius liberas non fuisse vel esse festi Paschalis, iejuniorum omnium, celebrationis cœnæ dominicæ in pane azymo, uti frustra hic contendit aduersarius obseruationes.

*Paschæ obseruationem non esse adiaphoram
vel liberam.*

X C II. Etenim inde à Concilij Nicæni primi temporibus certo die, hoc est. Dominica post XIIII. lunam Æquinoctio proximam toto orbe Pascha celebratum fuisse, eumque ritum

E 2 liberum